



# Uqautait

## Hivulliit Ministauyut Katimayut iniqtigtut

**Qiyaiyalirvia 4, 2016**  
**Vancouver, BC**

---

Premier Peter Taptuna ublumi iniqtigtut Hivulliit Ministauyut Katimayut talvani Vancouver ukuallu Kanatami Hivuliqtiiit, Nunaqaqqaaqhimayut Hivuliqtuyutlu tamnalu Kanataup Angiyuqqaaqyuanga Justin Trudeau. Uqautigiyainut ilauyut hapkuat halumatqiyakhanik uumaqutikhanut atuqtauyukhanik unalu hilaup aalannguqtirninganut, maniliurutikhaniklu hivuliutiyakhaniklu ikayutikhanik amigaigyuumiutikhanik.

“Quviahuktuna katimaqatigigiplugit hivuliqtuiqatitka tamaita akhuerutigiplugitlu Nunavutip avaliqangitunik idjuhiriyanik ayungnautigiyanginik. Nunavunmi atuqtauvaktut qanurinniriyaqliqtunik hilaup aalannguqtirninganut hivulimik. Hivumuupalliagapta ikayurahuakhugitlu Kanatami pinahuaqtavut talvuuna COP21Paris-mut Angirutikhamik, ihuariyavut ikayutikhaliuqtauhimayunik pivalliadjuditikhanik nunaryuami qanuriliurutikhalliuqtainik pidjutiqaqtunik maniktutainiklu ihumaliurutigiplugit ukiuqtaqtumi ungahikturmuni nunallaani allanik uumaqutikhanut atuqtakhanik piqangitumi.

Nunavut pinahuaqpaktut ikikliyuumigumaplugit puyuum anialaiqutaa (GHG) puyut anianiit talvuuna ihuaqtunik auladjutikhanut; una piyariaqaqtuq angyuniklu maniqautikhanik ikayuqtauyukhauyugut kavamatuqatkutnit havaqatikhaptингnik. Nunavut ihumagihiimarniaktait ikayutikhaptингnik naunaiyattiakhugitlu kangikhidjutikhanik atuqtakhaliurutikhaniklu qanuriliurutikhaniklu hamani avikturniani, aulahimaaglutallu pinahuaqtaptingnut, halumatqiyaniq auladjutikhanut atuqtakhainut.

Nunavut ikayuutiqaqpaktuq mikiyumik 0.1 pusantunganik Kanatap atauttimut GHG puyut anianiit, kihimik takuvaktugut ilanginik qilaminnuak, aktuutauyunik hilaup aalannguqtirninganut. Kavamatuqatkutnit hivuliutiyakhainut, qanuriliurutikhainiklu

ikayuutikhanut Nunavut ihuaqhaiyukyat havaktakhanik ihuaqhautikhaniklu mikhinahuarutikhaniklu hilaup aalannguqtirninganut. Hapkuat hivutiyumut avatiptingnut ihuaqutikhanik, pidjutikhaniklu angitqiyauyunik inmikkurutikhanik nakutqiyaniklu atuqtakhaptningnik ihuaqhautikhaniklu maniliurutikhanik havagvikhaniklu piyuminatunik.”

###

## **Tuhaqtitaunikkut Uqaqatikhaq:**

Yasmina Pepa  
Atangayuqalluaq, Nunalaani Ihumagiyaquluaqtunik  
Havagviani Hivuliqt Taptuna  
867-975-5059  
[ypepa@gov.nu.ca](mailto:ypepa@gov.nu.ca)

News releases are available in Inuktitut, English, Inuinnaqtun and French on [www.gov.nu.ca](http://www.gov.nu.ca).  
Les communiqués de presse sont disponibles en inuktitut, en anglais, en inuinnaqtun et en français à : [www.gov.nu.ca](http://www.gov.nu.ca).